

SM Sains, SM St Anthony dan SMK Taman Perumahan Bedaun Catat 100% Calon Layak Dapat Sijil SPM 2019



Labuan, 5 Mac 2020 – SM Sains Labuan, SM St Anthony dan SMK Taman Perumahan Bedaun mencapai 100% calon layak mendapat Sijil Pelajaran Malaysia Tahun 2019.

Pengarah Pendidikan WP Labuan, Encik Raisin Saidin, ketika mengumumkan keputusan itu di Dewan Terbuka SM St Anthony, hari ini.

871 orang calon layak mendapat sijil dengan jumlah peratus 90.35% berbanding 840 orang calon dengan jumlah

peratus 92.72% tahun 2018 perbezaan 2.37%.

Pencapaian Gred Purata Negeri (GPN) pula adalah 5.12 berbanding 4.98 pada 2018.

Seramai 12 orang atau 1.24 peratus daripada 964 calon peperiksaan Sijil Pelajaran Malaysia (SPM) sekolah kerajaan di Wilayah Persekutuan Labuan berjaya mendapat keputusan cemerlang dengan skor

A dalam semua mata pelajaran yang diambil.

Pada keseluruhannya pencapaian calon sekolah kerajaan di Labuan dalam SPM 2019 untuk setiap mata pelajaran adalah amat memberangsangkan.

15 mata pelajaran telah mencapai kelulusan 100% daripada 35 mata pelajaran yang diambil oleh calon.



Ceria dan Gembira ! guru-guru dan pelajar-pelajar cemerlang SM Sains berswafoto bersama Pengetua Tuan Haji Syukri

Calon-calon cemerlang SPM 2019 Labuan ialah :

Bil	Nama Calon	Sekolah	Keputusan
------------	-------------------	----------------	------------------

1.	NURIN ANIS FARIHAH BINTI MOHD AZID	SM Sains	7(A+), 2(A)
2.	ARMAN IDLAN BIN HAIDIS	SM Sains	4(A+), 4(A), 1(A-)
3.	MIRZA SYAHMI BIN AFANDI	SMK Mutiara	4(A+), 4(A), 3(A-)
4.	MOHAMAD DANIEL HAKIM BIN MATDAIM	SM Sains	4(A+), 3(A), 2(A-)
5.	MOHAMMAD SHAHRIZAL BIN NORISHYAM	SM Sains	4(A+), 3(A), 2(A-)
6.	MUHAMMAD LUQMAN EMAN BIN MOHD SALLEH	SM Sains	4(A+), 2(A), 3(A-)
7.	RUBENRAJ A/L NANDA KUMAR	SMK Labuan	4(A+), 2(A), 3(A-)
8.	MOHD AZUNADEN	SM Sains	3(A+), 4(A), 2(A-)
9.	SUFY AZYRA BINTI MOHD AZRIE	SM Sains	2(A+), 4(A), 3(A-)
10.	CHAU LINDON	SMK Labuan	1(A+), 2(A), 6(A-)
11.	DAHLIA FARISAH BINTI DERIN	SM St Anthony	7(A), 2(A-)
12.	SIT JING YEE	SMK Labuan	3(A), 5(A-)



Syabas dan Tahniah ! Gambar Kenangan : Adik Mirza Shahmi bin Afandi bersama ibu bapa

**Pemimpin Sekolah Labuan
Hadiri Kursus Pembugaran**

dan Bengkel Pengisian Data SKPMg2



Labuan, 1 Mac 2020 – Seramai 38 Pengetua, Guru Penolong Kanan dan pegawai angkat sekolah telah menghadiri Kursus Penguatkuasaan dan Bengkel Pengisian Data SKPMg2 yang diadakan di Bilik Benua, Sektor Sumber Teknologi Pendidikan (SSTP), Jabatan Pendidikan Wilayah Persekutuan Labuan (JPWPL) pada 28 dan 29 Februari 2020.

Kursus

ini bertujuan untuk membangunkan kompetensi Pasukan Pelaksana Standard (PPS)

dalam SKPMg2 dan membugarkan kemahiran proses pelaksanaan SKPMg2 dalam kalangan

pegawai angkat sekolah, Senior Leader Team (SLT) dan Pasukan Pelaksana SKPMg2

di peringkat sekolah. Kursus ini diurusetikan oleh

Sektor Perancangan, JPWPL.

SKPMg2 merupakan instrumen yang digunakan untuk memandu sekolah ke arah proses kerja yang betul dan meningkatkan akauntabiliti pihak pengurusan sekolah. Pemantauan dilakukan oleh jemaah nazir secara berterusan.

Menurut penyelaras kursus SKPMg2 merangkap Penolong Pengarah Sektor Perancangan, Puan Kamariah binti Salim, kursus ini diadakan sebagai inisiatif terhadap maklumbalas daripada laporan oleh Jemaah Nazir Jaminan Kualiti (JNJK) berkaitan dengan Penilaian Kendiri Sekolah (PKS) dan Audit Kebangsaan (2017). Didapati wujud jurang skor antara PKS dan Audit JNJK dalam standard 1 hingga standard 3 yang disebabkan oleh tahap kefahaman yang masih kurang tentang pemberian skor dalam kalangan Pengetua Guru Besar (PGB). Justeru, Task Force SKPMg2 perlu diadakan untuk mengatasi isu berkenaan.

“Kursus penguasaan ini sangat penting agar PGB dan PKS lebih yakin berkaitan cara penulisan evidens pelaksanaan dengan lengkap ke dalam sistem SKPMg2 bagi tiga fasa penilaian. Di samping itu perkongsian yang diperolehi melalui kursus ini dapat di sebar luaskan di kalangan warga sekolah khususnya dalam Penilaian Kendiri Sekolah yang berlangsung sepanjang tahun dan memasukkan data penilaian secara atas talian dalam portal NKRA.” katanya selepas kursus tersebut.

Menurutnya lagi, data SKPMg2 merupakan ‘tools’ yang digunakan oleh JPWPL untuk membuat analisis jurang bagi merancang program atau aktiviti bimbingan yang bersesuaian.

Kursus

selama dua hari ini telah dikendalikan oleh Jemaah Nazir

Sabah iaitu Puan

Hayati Binti Mahmud yang berpengalaman luas dalam bidang penaziran selama 17 tahun

dan Cik Irfah Samahah Binti Abu Bakar.



Peserta begitu khusyuk mendengar taklimat yang disampaikan oleh Puan Hayati Mahmud .



Peserta sedang khusyuk berbincang tentang cara pengisian skor dan evidens dalam aktiviti berkumpulan.

Antara pengisian dalam kursus ini ialah penerangan tentang peranan dan tindakan jawatankuasa pasukan pelaksana standard (PPS) aspek kemahiran prosedur dan audit, kerangka proses pengisian portal NKRA, kemahiran pemberian skor untuk standard 1 hingga 4, kerja kumpulan dan pembentangan.

Majlis

penutupan kursus telah disempurnakan oleh Timbalan Pengarah Sektor Perancangan JPWPL, Puan Khaziyati Binti Osman.

Dalam

ucapannya beliau mengucapkan tahniah di atas kehadiran dan komitmen yang tunjukkan oleh semua peserta sepanjang kursus ini dijalankan. Beliau turut mengingatkan berkaitan tugas-tugas di sekolah merupakan suatu cabaran yang perlu dilaksanakan untuk mendapatkan keberkatan.

Tambahnya lagi berkaitan Integriti dan Realiti dalam pemberian skor SKPMg2, berdasarkan laporan analisis SKPMg2 yang dibentangkan oleh pihak nazir dalam Dialog Prestasi Nasional (DPN) pada 23 Februari lalu berkaitan standard 1 (kepimpinan), standard 4 (pengajaran dan pembelajaran) dan standard 5 (keberhasilan), di dapati korelasinya adalah kecil.



Timbalan Pengarah Sektor Perancangan, Puan Khaziyati Osman sedang menyampaikan ucapan semasa Majlis Penutupan Kursus Penguasaan dan Bengkel Pengisian Data SKPMg2 Siri 1.

Standard 5 merupakan realiti terhadap keputusan peperiksaan awan seperti Ujian Penilaian Sekolah Rendah (UPSR), Penilaian Tingkatan 3 (PT3), Sijil Peperiksaan Malaysia (SPM), Pentaksiran Aktiviti Jasmani Sukan Kurikulum (PAJSK), Aplikasi Pengkalan Data Murid (APDM), Sistem Sahsiah Diri Murid (SSDM) dan psikometrik.

Manakala standard 1 hingga 4 adalah pengisian sendiri yang dilakukan oleh pihak sekolah. Justeru memerlukan integriti yang tinggi dalam pengisian skor tersebut.

“Melalui kursus ini, JPWPL akan mengenalpasti jurulatih-jurulatih utama SKPMg2 untuk membantu merapatkan jurang skor verifikasi dan data penilaian sendiri sekolah. SKPMg2 juga diharap dapat dijadikan alat untuk menilai kerja buat kita di sekolah”. Katanya semasa berucap dalam majlis penutupan kursus.



Pengetua SMK Taman Perumahan Bedaun, Encik Ag Rozlan sedang membentangkan hasil perbincangan kumpulan.

SK Sungai Lada & SM Sains Labuan Rangkul Johan Bola Jaring MSSWPL Tahun 2020



Labuan, 27 Feb 2020 – Sekolah Kebangsaan Sungai Lada dan

Sekolah Menengah Sains Labuan merangkul gelaran Johan dalam Kejohanan Bola Jaring, Majlis Sukan Sekolah-sekolah Wilayah Persekutuan Labuan (MSSWPL) tahun 2020.

Pertandingan akhir telah diadakan pada 12 Februari 2020 bagi kategori sekolah rendah dan 27 Februari 2020 bagi kategori sekolah menengah.

Sekolah Kebangsaan Bukit Kalam dan Sekolah Menengah Kebangsaan Taman Perumahan Bedaun telah diberi mandat untuk menjadi pengelola bagi kejohanan kali ini.

Kejohanan Bola Jaring MSSWPL yang berlangsung selama dua minggu telah berlangsung pada 10 Februari hingga 12 Februari 2020 bagi kategori sekolah rendah.

Manakala pada 24 Februari hingga 27 Februari 2020 bagi kategori sekolah menengah yang telah menyaksikan persaingan sengit antara semua kontinjen sekolah di W.P.Labuan.



Perlawanan Akhir antara SMS Labuan dan SSN Mutiara bagi Kategori 15 Tahun

Majlis penyampaian hadiah telah disempurnakan oleh Encik Abdul Rahman bin Ahmad, Timbalan Pengarah Sektor Pembangunan Murid. Turuh hadir Encik Asbola @ Hasbollah

bin Amit, Penolong Pengarah Sektor Pembangunan Murid, Encik Ag. Rozlan bin Manan, Pengetua SMK Taman Perumahan Bedaun dan Encik Rosli Mohd Ali, Guru Besar SK Bukit Kalam.

SK Sungai Lada telah merangkul johan sekolah rendah diikuti oleh SK Lubok Temiang sebagai naib johan dan tempat ketiga bersama SK Pekan 1 dan SK Bukit Kalam.

Kategori Bawah 15 Tahun, SMS Labuan muncul johan diikuti oleh SSN Mutiara sebagai naib johan dan tempat ketiga bersama SMK Ranca-ranca dan SM St Anne.

SMS Labuan juga dinobatkan sebagai johan Kategori Bawah 18 Tahun diikuti oleh SSN Mutiara sebagai Naib Johan dan tempat ketiga bersama SMK Labuan dan SM St Anne.



Johan, Naib Johan dan Ketiga Bersama bagi kategori Sekolah Rendah (SK Sungai Lada, SK Lubok Temiang dan SK Pekan 1 serta SK Bukit Kalam)

Pemain terbaik kategori sekolah rendah diungguli oleh, Nor Sorfina Safwah, SK Sungai Lada sebagai pemain tengah terbaik, Claire Ivony Jimeno juga dari SK Sungai Lada dipilih sebagai penjaring terbaik. Adik Claire Ivory Jimeno telah merangkul dua kategori iaitu pemain

pertahanan terbaik dan pemain terbaik.

Kategori 15 Tahun Sekolah Menengah, Pemain Pertahanan Terbaik dimenangi oleh Fadilah Mansur dari SMS Labuan, Pemain Penjaring Terbaik Safinah Saflee dari SMS Labuan dan Farah Ain juga dari SMS Labuan merangkul dua kategori iaitu Pemain Tengah Terbaik dan Pemain Terbaik.

Manakala Kategori 18 Tahun Sekolah Menengah pula, Honesty Evia Harnot dari SMS Labuan merangkul Pemain Tengah Terbaik, diikuti Zezybell dari SSN Mutiara sebagai Pemain Pertahanan Terbaik. Nursyafiah Salleh dan Jocelyn Debra Jilinus dari SMS Labuan masing-masing merangkul Pemain Penjaring Terbaik dan Pemain Terbaik untuk kejohanan kali ini.

Berita Oleh : SMK Taman Perumahan Bedaun



Johan, Naib Johan dan Ketiga Bersama bagi kategori 15 tahun sekolah menengah (SMS Labuan, SSN Mutiara dan SMK Ranche-ranche serta SM St Anne)



Johan, Naib Johan dan Ketiga Bersama bagi kategori 18 tahun sekolah menengah (SMS Labuan, SSN Mutiara dan SMK Labuan serta SM St Anne).

Syarikat Industri Minyak dan Gas Terus Komited Bantu Anak Nelayan Labuan



LABUAN, 27 Feb 2020 – Jabatan Pendidikan Wilayah Persekutuan Labuan dan Syarikat Repsol Oil & Gas Malaysia Limited telah mengadakan Majlis Anugerah Inovasi Bagi Murid-Murid Ujian Penilaian Sekolah Rendah (UPSR) dan Pentaksiran Tingkatan 3 (PT3) Bagi Tahun 2019 daripada Komuniti Nelayan, kelmarin.

Menurut Pengurus Kanan, Stakeholder Relations, Repsol Oil & Gas Malaysia Limited, Encik Ahmad Fakhrurrazi Arshad, pihaknya komited untuk membantu masyarakat dan komuniti tempatan di mana mereka beroperasi.

Majlis Anugerah Motivasi pada hari ini merupakan kesinambungan usaha-usaha tersebut yang memfokuskan kepada pendidikan, khasnya kepada anak-anak nelayan di Labuan yang masih di bangku sekolah.

“Hasrat kami adalah untuk membantu dan menyuntik semangat di kalangan anak-anak ini untuk mencapai kecemerlangan dalam akademik dan aktiviti kokurikulum sekolah.” Encik Ahmad Fakhrurrazi Arshad ketika merasmikan majlis tersebut.

Harapan jangka panjang Repsol adalah untuk melihat anak-anak muda yang menerima Anugerah Motivasi ini berjaya di dalam pelajaran mereka dan mendapat kerjaya yang baik supaya boleh meningkatkan taraf hidup diri dan keluarga masing-masing.



Gambar kenangan bersama penerima anugerah motivasi murid-murid UPSR dan PT3 Tahun 2019 dari golongan Komuniti Nelayan Labuan



Murid-murid penerima Anugerah Motivasi Repsol 2019 Sementara itu, Pengarah Pendidikan Wilayah Persekutuan Labuan Encik Raisin Saidin merakamkan ribuan terima kasih kepada Repsol atas usaha murni ini.

Katanya, dengan adanya bantuan ini dapat meningkatkan motivasi murid-murid dalam pembelajaran dan kemenjadian

murid.

“Saya berharap murid-murid yang menerima sumbangan dapat memanfaatkan faedahnya untuk berjaya dalam pelajaran dan seterusnya memberi pulangan kepada memajukan negara suatu hari kelak”.

“Majlis Anugerah Motivasi ini merupakan tahun yang ketujuh dilaksanakan di Wilayah Persekutuan Labuan. Maka saya menyeru murid-murid yang telah menerima anugerah ini supaya sentiasa bersyukur dengan belajar bersungguh-sungguh demi sebuah kejayaan yang boleh mengubah nasib pada masa akan datang ” . Encik Raisin Saidin

Pada majlis tersebut, seramai 40 murid dari tahap UPSR dan 20 murid dari tahap PT3 telah menerima anugerah ini. Setiap penerima UPSR akan menerima wang tunai RM300 manakala penerima PT3 akan menerima wang tunai RM400 menjadikan jumlah anugerah kesemuanya adalah RM20,000.

Turut hadir, Datuk Eddie Abdullah, Penasihat Perhubungan Komuniti dan Kerajaan bagi Negeri Sabah & Labuan, Repsol Oil & Gas Malaysia Limited dan Encik Ag. Marten Datuk Hj Abdul Rahman, Ketua Penolong Pengarah, Sektor Sumber dan Teknologi Pendidikan, Jabatan Pendidikan W.P Labuan



Terima kasih kepada pihak Repsol kerana memberi bantuan ini untuk membantu keperluan murid



Penghargaan kepada kepada Pihak Sekolah. Encik Jamatin

menerima Sijli Penghargaan daripada Encik Ahmad Fakhurazzi

STPM 2019, Labuan Catat 100% Lulus Penuh : Keputusan Pusat Pengajian Tingkatan Enam SMK Labuan Melonjak



Labuan, 25 Feb 2020 – Pencapaian Peratus calon lulus penuh satu hingga lima mata pelajaran Sijil Tinggi Mata Pelajaran (STPM) Wilayah Persekutuan Labuan **meningkat kepada 100% berbanding 98.55% tahun 2018 dan 97.5% tahun 2017.**

Pengarah Pendidikan Wilayah Persekutuan Labuan, Encik Raisin Saidin berkata, dari segi Purata Nilai Gred Kumulatif (PNGK) **STPM 2019 ialah 2.87 berbanding tahun**

lalu 2.64. Peningkatan sebanyak 0.23.

PNGK itu dihitung berdasarkan kepada nilai gred bagi empat mata pelajaran terbaik termasuk Pengajian Am.

Katanya lagi, pada tahun 2019, jumlah calon yang mendapat PNGK 3.00 ke atas juga turut meningkat. **Seramai 63 calon mendapat PNGK 3.00 ke atas iaitu 46.32% berbanding 43 calon bersamaan 31.15% tahun 2018.**



Gembira dan Ceria pelajar-pelajar Terbaik STPM 2019 : Dari kiri Aaron, Eleena, Irham dan Siti Salbiah
Encik Raisin Saidin berkata demikian semasa mengumumkan keputusan STPM 2019 Peringkat Wilayah Persekutuan Labuan di Dewan Mutiara, SMK Labuan.

Beliau berasa gembira dan mengucapkan tahniah kepada Pengetua SMK Labuan, Encik Ismail Abdullah dan seluruh warga guru, khususnya guru-guru Pusat Tingkatan Enam SMK Labuan di atas kerja buat yang akhirnya menghasilkan pencapaian membanggakan.

“Peningkatan ini sudah tentu menunjukkan komitmen tinggi guru-guru tingkatan 6 SMK Labuan dan masih

banyak ruang untuk meningkat sekurang-kurangnya mencapai 3.00 dan ke atas setiap calon STPM pada masa akan datang". Encik Raisin Saidin



Encik Raisin Saidin berasa gembira di atas pencapaian Labuan dalam STPM 2019

Untuk rekod, SMK Labuan merupakan sekolah yang menempatkan semua pelajar tingkatan 6 di Labuan, melalui penubuhan Pusat Tingkatan Enam Mod 2, di dalam sekolah aliran perdana yang ditadbir oleh seorang Pengetua, bermula tahun 2012.

Pengetua SMK Labuan, Encik Ismail Abdullah menzahirkan rasa syukur dan gembira di atas peningkatan Peratus, PNGK yang mengatasi Kebangsaan (2.77) dan jumlah calon yang mendapat PNGK 3.0 ke atas.

*" Syukur Alhamdulillah, Insyallah kami cuba mencapai GPS 3.00 tahun ini melalui Program Scaffolding 3.00 ".
Encik Ismail Abdullah*

Pelajar-pelajar terbaik STPM 2019 Wilayah Persekutuan

Labuan dengan mendapat PNGK 3.92 ialah Irham Zulhilmi bin Mohd Johan, Siti Salbiah binti Mohd Yussof, Eleena Yeo Sui Mei dan Aaron Lau Jiaxiang.

Syabas dan tahniah diucapkan kepada seluruh warga SMK Labuan.



Irham Zulhilmi Mohd Johan



Siti Salbiah binti Mohd Yussof



Eleena Yeo Sui Mei



Aaron Lau Jiaxiang



Encik Ismail menerima keputusan STPM 2019 daripada Encik Raisin Saidin sambil diperhatikan oleh Tuan Haji Sawal dan Encik Yusup



Pasangan kembar cemerlang : Dari kiri Nurul Haidah Julius (3.42), Nurul Hudah Julius (3.17), Nurussittah Farhanah Samad (3.08), Nurul Khomsah Hasanah Samad (3.59)



Terbaik ! Gandingan mantap dari Sektor Pentaksiran dan Peperiksaan (SPP) : dari kiri, Encik Jaafar, Tuan Haji Sawal (KETUA Penolong Pengarah SPP), Encik Raisin Saidin, Encik Joe Hellmy, Puan Rohana dan Encik Narimin

**Perhimpunan Bulanan JPWPL,
Februari 2020 : BERSAMA
MELANGKAH JAUH**



Labuan, 18 Feb 2020 – Program seperti Ziarah Cakna dan Jom Ke Sekolah merupakan aktiviti yang mampu merealisasikan ‘Guru Sayang Muridnya’.

Pengarah Jabatan Pendidikan Wilayah Persekutuan Labuan, Encik Raisin Saidin berkata seiring dengan fungsi guru mengajar, guru mendidik, para pendidik perlu menyelami harapan murid sehingga mereka rasa dihargai.

Pihak sekolah boleh melihat sejauh mana faktor menarik dan menolak yang ada di sekolah masing-masing, agar mampu menarik minat murid untuk belajar dan berbuat.

Katanya, pengalaman seorang guru yang suatu ketika dulu juga pernah menjadi murid boleh digunakan untuk menyelami hati seorang murid, seterusnya dapat mendekati, menasihati dan mensyukuri dengan nilai kasih sayang secara berhemah.

Guru berperanan sebagai pemegang amanah besar dalam melahirkan insan yang mempunyai nilai keluruhan adab sopan dan berintegriti.

“ROH seorang guru perlu sentiasa MENDARAH DAGING dengan sentuhan insaniah dan nurani yang tidak mampu dibuat oleh mesin. Biarlah boleh dirasakan oleh murid.” Encik Raisin Saidin.

Encik Raisin Saidin berkata demikian sempena Majlis Perhimpunan Bulanan Jabatan Pendidikan Wilayah Persekutuan Labuan bagi bulan Februari 2020, di Bilik Benua, Sektor Sumber Teknologi Pendidikan.



Encik Raisin Saidin bersama penerima Anugerah Khas Pengarah bulan Februari 2020
Cikgu Sapri bin Idris, Guru Perpustakaan dan Media, SMK

Rancha-Rancha telah menerima Anugerah Guru Digital Media di atas sumbangan dalam dunia teknologi pendidikan dan media.

Anugerah Khas Pengarah bagi bulan Februari 2020 dianugerahkan kepada Encik Abdul Rahman bin Ahmad, Timbalan Pengarah Sektor Pembangunan Murid, Puan Maimoon bt Matnoh, Timbalan Pengarah Sektor Pengurusan Sekolah dan Encik Yahya bin Ahmad Puteh, Pengetua SMK Rancha-Rancha.

Susulan Ziarah Cakna pada minggu lalu, Encik Raisin Saidin turut melancarkan dana untuk membantu murid SMK Rancha-Rancha adik Ukail Syamil Najmuddin bin Mohammed, pelajar tingkatan 5 An Nasawi. Beliau terpaksa mengulang kembali pengajian di tingkatan 5 pada tahun ini kerana tidak sempat menduduki peperiksaan SPM 2019 disebabkan kesihatan yang tidak mengizinkan.

'BERSAMA MELANGKAH JAUH' : Tema Perhimpunan Bulanan JPWPL, Februari 2020



Sijil Penghargaan kepada warga jabatan



Sijil Penghargaan kepada pihak sekolah



Sambutan Hari Jadi kepada Warga Pendidikan yang lahir pada bulan Februari

SM St Anne dan SM St Anthony Pengelola Bersama Majlis Pemufakatan KPM Bersama PDRM : PROGRAM JOM KE SEKOLAH 2020



Labuan, 18 Feb 2020 – Majlis Pemufakatan Kementerian Pendidikan Malaysia (KPM) bersama Polis Diraja Malaysia (PDRM) : Program Jom Ke Sekolah dan Pelancaran Buku Panduan Pegawai Perhubungan Sekolah (PPS) Peringkat Kebangsaan, WP Labuan Tahun 2020 telah berlangsung di Dewan Muhibah, SM St Anne, kelmarin.

Sekolah

Menengah St Anne dan Sekolah Menengah St Anthony telah diamanahkan menjadi sekolah pengelola bagi menjayakan program tahun 2020 ini.

Majlis

telah dirasmikan oleh Encik Raisin Saidin, Pengarah Pendidikan Wilayah Persekutuan Labuan.

Kolaborasi

antara Jabatan Pendidikan Wilayah Persekutuan Labuan bersama Polis Diraja Malaysia ini turut dihadiri oleh Superintenden Muhamad Farid Bin Ahmad, Ketua Polis WP Labuan, Timbalan-timbalan Pengarah Jabatan Pendidikan WP Labuan, Pegawai Perhubungan Sekolah SM St.Anne & SM St.Anthony, YDP PIBG SM St.Anne & SM St.Anthony, Paderi Paroki Sekolah-sekolah Mission, para pengetua dan guru besar, pegawai-pegawai, guru-guru, murid-murid daripada SM St.Anne dan SM St.Anthony.



Encik Raisin Saidin menyambut kehadiran murid SM St Anne sambil diperhatikan oleh Superitenden Muhamad Farid Superintenden Muhamad Farid dalam menyampaikan perutusan Ketua Polis Negara berkata, kesepakatan, komitmen, dan kesungguhan semua pihak, sama ada KPM, PDRM, NUTP, ibu bapa, dan komuniti yang terlibat secara langsung dan tidak langsung bagi menjayakan program Jom ke Sekolah ini akan menghasilkan impak yang besar kepada sistem pendidikan di Malaysia.

Tambahnya

lagi, PDRM amat berbesar hati dengan kerjasama berterusan melalui kehadiran

Pegawai Perhubungan Sekolah (PPS) di semua sekolah KPM. Pelaksanaan program Jom

ke Sekolah ini adalah untuk mewujudkan hubungan mesra dan kerjasama yang lebih mantap di antara pihak sekolah dan PPS.

Pada akhir perutusan, beliau menyatakan bahawa program ini juga merupakan kesempatan untuk melancarkan Buku Panduan PPS sebagai buku rujukan KPM dan PDRM bermula tahun ini. "Semoga semua pihak yang berkaitan akan mendapat manfaat yang besar dari pelancaran buku ini", katanya sebelum mengakhiri perutusan yang disampaikan.



Murid-murid SM St Anne dan SM St. Anthony yang hadir dalam Majlis Pelancaran Program Jom Ke Sekolah



Encik Raisin Saidin (tengah), Superitenden Muhamad Farid (kanan), Puan Mary Anyita (2 kiri) dan Puan Dona (2 kanan) bersama-sama dengan Pegawai Perhubungan Sekolah dan penerima Anugerah St. Anne Role Model of The Month bagi Tingkatan 1 hingga 5.

Encik

Raisin Saidin dalam ucapan perasmian, mengucapkan syabas dan tahniah kepada pihak SM St. Anne dan SM St. Anthony kerana berjaya mengadakan majlis pelancaran bagi program ini secara serentak dengan semua sekolah di bawah Kementerian Pendidikan Malaysia (KPM).

Menurut

beliau, pengurusan disiplin di sekolah memerlukan komitmen daripada semua pihak agar kemenjadian murid akan lebih cemerlang.

Seterusnya,

beliau juga menyatakan bahawa dengan adanya gabungan kolaborasi seperti ini, warga sekolah khususnya mempunyai saluran yang sesuai

untuk memberi dan menerima aduan di samping menyelesaikan masalah yang berkaitan disiplin murid.

Dalam

erti kata lain, program ini merupakan dimensi lain dalam membugarkan kembali penggunaan Peti Aduan Disiplin Murid di sekolah. Selain itu, beliau turut memberi peringatan kepada pihak pentadbir sekolah agar sentiasa memastikan pengurusan disiplin murid ini sentiasa ditambah baik dari semasa ke semasa agar proses perkhidmatannya dapat ditingkatkan dan lebih berkesan.

“Gunalah masa yang ada ini dengan sebaik-baiknya kerana masa muda hanya sekali. Berusahalah menjadi yang terbaik kerana dalam dunia yang kompetitif hari ini hanya yang terbaik akan berjaya” Encik Raisin Saidin



Superintenden Muhamad Farid Bin Ahmad



Encik Raisin Saidin

Dalam majlis pelancaran Program Jom ke Sekolah ini juga, penyampaian Anugerah Kehadiran Terbaik Kelas SM St.Anne dan SM St.Anthony turut diadakan.

Anugerah

ini diberikan kepada kelas-kelas yang berjaya mencapai KPI Kehadiran KPM dan Jabatan Pendidikan WP Labuan iaitu 95%.

Selain

itu, Anugerah SM St. Anne Role Model of The Month turut diberikan kepada 5 orang murid tingkatan 1 hingga 5 yang menepati beberapa kriteria seperti tidak mempunyai masalah kehadiran atau lewat, tidak mempunyai masalah kehadiran aktiviti kokurikulum, berketerampilan dan berpakaian kemas, sentiasa menyiapkan kerja sekolah dan fokus semasa pdpc serta berkelakuan baik dan boleh dicontohi.

Berita Oleh : SM St Anne



Erviana Bernard, Ketua Kelas 5A2 menerima Anugerah Kehadiran Terbaik Kelas dengan peratus kehadiran tertinggi, iaitu 99%. 10 daripada 15 kelas di SM St. Anne berjaya mencapai 95% ke atas untuk kehadiran bulan Januari



Penerima Anugerah Kehadiran Terbaik Kelas SM St. Anthony dengan peratus kehadiran tertinggi sebanyak 97.63%.



Dari Kiri : Encik Ag Marten, Encik Abd Rahman, Superitenden Muhamad Farid, Encik Raisin Saidin, Encik Yusup dan Encik Syamsul (berdiri di belakang)

BERSAMA-SAMA MELANGKAH LEBIH JAUH : Akauntabiliti Terhadap Pendidikan Di Labuan Tanggungjawab Bersama



Labuan 16 Feb 2020 – Pengarah Pendidikan Wilayah Persekutuan Labuan, Encik Raisin Saidin telah menyampaikan Amanat dan Aspirasi Pendidikan 2020 bertemakan **BERSAMA-SAMA MELANGKAH LEBIH JAUH : AKAUNTABILITI TERHADAP PENDIDIKAN DI LABUAN TANGGUNGJAWAB BERSAMA**.

Seramai 500 orang warga pendidikan di Labuan telah menghadiri Majlis tersebut bagi mendengar amanat yang

disampaikan oleh Encik Raisin Saidin di Dewan Utama, Sekolah Antarabangsa Labuan, kelmarin.

Encik Raisin Saidin berkata setiap guru perlu membuat refleksi terhadap tugas mereka sebagai seorang pendidik. Natijah yang besar akibat kerja buat seorang guru mampu mengubah tingkah laku seseorang murid di dalam bilik darjah.

“Roh dan aura seorang guru yang ‘mendarah daging’ hendaklah sampai kepada murid-murid dan sehingga mereka yakni murid dapat merasainya” Encik Raisin Saidin

Empat pendekatan yang difokuskan oleh Jabatan Pendidikan Wilayah Persekutuan Labuan pada tahun 2020 iaitu akauntabiliti seorang guru terhadap muridnya sesuai dengan slogan ‘guru sayang muridnya’, aura roh guru sentiasa mendarah daging dalam diri guru, guru mengajar murid belajar dan berbuat, meningkatkan kecemerlangan dan kemenjadian murid secara menyeluruh.

Tambahnya lagi setiap ringgit daripada peruntukan kewangan yang diterima daripada Kementerian Pendidikan Malaysia dan dibelanjakan sama ada di peringkat Jabatan mahu pun di sekolah hendaklah memberi pulangan maksimum kepada murid. Dengan kata lain faedahnya hendaklah dipulangkan kepada anak-anak murid.



Ikrar Perkhidmatan Awam oleh warga pendidikan yang hadir



Para Guru Besar dan guru-guru yang hadir mendengar amanat dan aspirasi tahun 2020
Majlis telah dirasmikan oleh Datuk Rozman Haji Isli, Ahli Parlimen P166 Labuan.

Menurutnya, Jabatan Pendidikan dilihat sebagai prospek terbaik dalam membantu meningkatkan sektor pelancongan di

wilayah ini sehingga ke peringkat antarabangsa.

“Jabatan Pendidikan Labuan menganjurkan seminar, persidangan, lawatan silang budaya, pertandingan sukan serta aktiviti kokurikulum yang dilihat sebagai penyumbang yang membantu perkembangan industri pelancongan di wilayah ini.

“Saya berharap pada tahun 2020, pemimpin sekolah akan lebih aktif menganjurkan hubungan permuafakatan di peringkat antarabangsa ke Labuan” . Datuk Rozman Haji Isli.



Datuk Rozman Haji Isli, Encik Raisin Saidin, Timbalan-timbalan Pengarah bersama Pegawai dan Warga Sekolah di Labuan

Terdahulu, Bual Bicara Profesional membincangkan hala tuju pendidikan di Labuan, mentransformasi sistem penyampaian perkhidmatan pendidikan melalui pemantapan peranan dan fungsi pembangunan dasar, perancangan serta pengoperasian di peringkat Kementerian dan Jabatan Pendidikan.

Ahli panel terdiri daripada Timbalan Pengarah Sektor Perancangan Puan Khaziyati bt Osman, Timbalan Pengarah

Sektor Pembelajaran, Encik Yusup bin Mohamad, Timbalan Pengarah Sektor Pengurusan Sekolah, Puan Maimoon bt Matnoh, Timbalan Pengarah Sektor Pembangunan Murid, Tuan Haji Abdul Rahman bin Ahmad, Ketua Penolong Pengarah Sektor Sumber Teknologi Pendidikan, Encik Ag Marten bin Abdul Rahman dan Ketua Penolong Pengarah Sektor Pendidikan Islam, Ustaz Mohd Syahir bin Mohd Yusoff.

Moderator bual bicara ini dipengerusikan oleh Pgn. Abd Kadir bin Pgn. Budin.



Moderator dan Panel Bual Bicara Profesional

Sempena majlis itu juga, Datuk Rozman turut menyampaikan Anugerah Khas Pendidikan kepada tiga individu yang telah banyak membantu dan menyumbang kepada Jabatan Pendidikan Labuan sepanjang tahun 2019.

Tiga individu yang menerima anugerah khas itu ialah ahli korporat, YBhg. Datin Sri Dato' Hajah Norsiah Abdullah, Yang Dipertua Persatuan Ibu Bapa dan Guru SMK Labuan, Tuan Haji Md.Yusof bin Chuchu dan Guru Besar Tadika Riang Ria, Puan Ong Nyuk Ping.



Datuk Rozman Hj Isli, Encik Raisin Saidin, Timbalan-timbalan Pengarah bersama penerima Anugerah Pendidikan



Sokongan berterusan daripada Komuniti PIBG Sekolah



Gambar Kenangan : Encik Raisin Saidin bersama Timbalan-timbalan Pengarah, Ketua-ketua Penolong Pengarah, YDP MPSP dan Pegawai-pegawai Jabatan Pendidikan WP Labuan

Perjumpaan Pengarah BPI Bersama Guru Pendidikan Islam dan Guru Bahasa Arab



Labuan, 10 Feb 2020 – Seramai 130 orang Guru Pendidikan Islam dan Guru Bahasa Arab (GPI GBA) sekolah-sekolah di Wilayah Persekutuan Labuan berpeluang menghadiri diri

dalam pertemuan bersama Tuan Haji Hassan Nudin bin A.Hamid, Pengarah Bahagian Pendidikan Islam.

Perjumpaan yang berlangsung di Bilik Benua, Sektor Sumber Teknologi Pendidikan itu turut dihadiri oleh Pengarah Jabatan Pendidikan Wilayah Persekutuan Labuan, Encik Raisin Saidin.

GPI GBA Wilayah Persekutuan bertuah dapat bertemu mata dan mendengar taklimat perkongsian yang disampaikan sendiri oleh Tuan Haji Hassan Nudin yang merupakan kali pertama menjejak kaki ke negeri ini setelah dilantik menjadi Pengarah di Bahagian Pendidikan Islam, Kementerian Pendidikan Malaysia.



Tuan Haji Hassan Nudin (duduk depan tengah), Encik Raisin Saidin (kanan) dan Tuan Haji Abdul Rahman (kiri) bersama guru-guru Pendidikan Islam dan Bahasa Arab Wilayah Persekutuan Labuan

Tuan Haji Hassan Nudin menyambut hasrat baik Tun Dr Mahathir untuk menjadikan kurikulum mata pelajaran Pendidikan Islam ini sebagai cara hidup dengan menekankan nilai-nilai murni agama dalam kehidupan seharian.

"Besarlah harapan saya agar guru-guru Pendidikan Islam dapat memastikan anak-anak muridnya boleh membaca Al-

Quran sekurang-kurangnya apabila menjejak kaki ke tahun 6 di peringkat sekolah rendah". Tuan Haji Hassan Nudin



Tuan Haji Hassan Nudin A. Hamid



Encik Raisin Saidin

Selain itu, beliau juga mengingatkan GPI GBA WP Labuan sentiasa berusaha meningkatkan kualiti diri sama ada menyambung pelajaran ke peringkat sarjana ke atas dan mencalonkan diri menjadi Guru Cemerlang (GC) berikutan jumlah GC bagi matapelajaran Pendidikan Islam dan Bahasa Arab semakin berkurangan di seluruh negara.

Sementara itu, En Raisin Saidin dalam ucapan aluannya

mengingatkan semua GPI GBA agar sentiasa menggalas tanggungjawab sebaik mungkin dalam mendidik anak-anak murid mereka sehingga menjadi insan yang berguna dan berjaya selepas tamat pengajian.

Katanya, kemenjadian murid Islam di Wilayah Persekutuan boleh diukur dengan melihat pencapaian lulus matapelajaran Pendidikan Islam di peringkat Sijil Pelajaran Malaysia ketika meninggalkan alam persekolahan.

Berita Oleh : Sektor Pendidikan Islam



Gambar Kenangan Bersama Pegawai-Pegawai Sektor Pendidikan Islam

**Pengarah BPI KPM
melancarkan Ziarah Cakna**

2020 Peringkat Kebangsaan WP Labuan



Labuan, 10 Feb 2020 – Ziarah Cakna, sebuah program ziarah guru ke rumah murid terpilih bersifat menyantuni golongan ibu bapa dan penjaga merupakan inisiatif Kementerian Pendidikan Malaysia dalam menerapkan nilai budaya kasih sayang, saling menghormati dan memperkukuh hubungan antara sekolah dan kedua belah pihak.

Di peringkat Wilayah Persekutuan, Program Ziarah Cakna telah dilancarkan pada hari ini bertempat di SMK Ranche-Ranche dan dirasmikan oleh Tuan Haji Hassan Nudin bin A.Hamid, Pengarah Bahagian Pendidikan Islam, Kementerian Pendidikan Malaysia.

Tuan Haji Hassan Nudin dalam ucapannya berkata Kementerian Pendidikan Malaysia sebagai peneraju utama dalam mendidik dan melahirkan modal insan negara komited untuk menyesuaikan dasar serta hala tuju selaras dengan Agenda Wawasan Kemakmuran Bersama 2030 dalam 7 teras strategik terutama teras yang berkaitan Strategi Transformasi Modal Insan.



Tuan Haji Hassan Nudin, Encik Raisin Saidin dalam perasmian Program Ziarah Cakna bersama tetamu VIP yang hadir

Program ini secara tidak langsung dapat merapatkan hubungan silaturrahim antara ibu bapa, guru dan masyarakat dalam mewujudkan budaya baharu yang lebih positif demi kemenjadian murid- murid.

Kita perlu mendidik anak-anak bahawa mereka perlu belajar bersungguh-sungguh, terus berdaya saing dan bertekad untuk keluar dari kemiskinan.

Selain itu juga ianya memperluas konsep sekolah penyayang. Program ini akan menjadi platform buat ibu bapa dan guru berkongsi perkembangan menyeluruh para pelajar.

Pengarah Pendidikan Wilayah Persekutuan Labuan, Encik Raisin Saidin berkata berdasarkan data Ziarah Cakna Kebangsaan tahun 2019 bagi WP Labuan, seramai 168 murid sekolah rendah dan sekolah menengah daripada 167 keluarga telah diziarahi oleh para guru di Labuan.

Beliau menzahirkan rasa terima kasih dan setinggi-tinggi penghargaan kepada pihak sekolah, Pegawai Perhubungan Sekolah (PDRM), Persatuan Ibu Bapa Guru (PIBG), Ketua Kampung, Agensi kerajaan , Agensi Bukan Kerajaan (NGO), dan Persatuan Pesara Guru WP. Labuan atas sokongan dan kerjasama padu dengan KPM bagi merealisasikan majlis ini.

Besarliah harapan saya agar kesepakatan begini bukan sahaja dapat memastikan kejayaan program, bahkan turut memberi impak kepada kemenjadian murid. Encik Raisin Saidin

Tuan Haji Hassan Nudin dan Encik Raisin Saidin bersama rombongan turut menyertai ke rumah salah seorang murid SMK Ranche-Ranche iaitu adik Ukail Syamil Najmuddin bin Mohammed, pelajar tingkatan 5 An Nasawi. Beliau terpaksa mengulang kembali pengajian di tingkatan 5 pada tahun ini kerana tidak sempat menduduki peperiksaan SPM 2019 disebabkan kesihatan yang tidak mengizinkan.

Semasa menziarahi adik Ukail Syamil, Tuan Haji Hassan Nudin telah meminta agar Ukail belajar bersungguh-sungguh dan menerima apa yang berlaku itu mempunyai hikmahnya kerana Allah mempunyai perancangannya.

Pengarah BPI KPM juga melahirkan ucapan terima kasih kepada keluarga Ukail yang menerima kunjungan tersebut.



Tanda sokongan Warga Pendidikan, PDRM, PIBG, Ketua Kampung, Agensi Kerajaan, NGO dan Persatuan Pesara Guru WP Labuan



Encik Ismail Abdullah, Encik Awang Adi dan rombongan bersama keluarga Iwani